

第四〇八册

明倫彙編

閩媛典

閩節部

一七二〇  
(卷)

古今圖書集成

中華書局影印

古今圖書集成

中華書局影印

欽定古今圖書集成明倫彙編閩媛典

第一百六十七卷目錄

閩節部列傳四十九

明四十四

倪秀妻邵氏李氏 樂氏 附 李用仁妻王氏

李用仁媳張氏 屠巽妻沈氏

金維秋妻張氏 賀道立妻項氏

高尚仁妻常氏 吳應山妻許氏

胡文孔妻陳氏 姜地妻屠氏

倪文和妻王氏 徐兆先妻夏氏

屠啓元妻劉氏 沈懋德妻常氏

顧臺妻毛氏 朱繼唐妻俞氏

俞光妻沈氏 吳中俊妻范氏

徐禹妻張氏 莊鴻妻倪氏

嚴從裕繼妻蔡氏 朱璧妻倪氏

董涓妻虞氏 劉鎮妻邵氏

賀吟妻徐氏 徐乾元妻仇氏

蔣杰妻翁氏 李謀妻吳氏

鍾師孟妻徐氏孫女 附 周東妻吳氏

陳用龍妻王氏 姚洪妻吳氏

王勇繼妻沈氏 徐恭繼妻陸氏

張訥繼室紀氏 孫官妻劉氏盛氏 附

陳尚道妻俞氏 孫洪範妻沈氏吳氏 附 張氏 附

郭山妻陳氏 馮叔原妻沈氏妹 附

沈民表妻劉氏江 附 鈔 頭 張國諭妻周氏

茅煥妻錢氏 胡其久妾張氏

胡獻忠妻呂氏 沈喬妻莊氏

范宸妻朱氏 胡曉妻周氏

鍾若初繼妻姚氏 周鑾繼室盧氏

胡俗妻顧氏 趙良周妻沈氏

沈曰都妻鍾氏張氏 附 王錫妻陸氏

姚吉妻沈氏 錢琦妻沈氏

王良佐妻張氏 沈伯潛妻費氏

楊業妻宋氏 梅禮妻王氏

錢塘妻費氏 王文妻唐氏

孫溥妻李氏 潘應宿妾吳氏

潘缺妻閔氏 臧葵妻馮氏

孫應福妻姚氏 施敏妻王氏

卞璫妻黃氏 卞瑞妻沈氏

沈理妾倪氏 唐謹妻潘氏

臧世基妻閔氏蔡氏 附 高則明妻費氏

高名世妻潘氏 楊蒙妻宋氏

錢得吾妻孫氏婦 附 劉氏 沈觀瀾妻費氏

丁久妻金氏 丁思孝妻沈氏

韓克相妻阮氏 趙勤妻余氏

夏冕妻王氏 呂瑛妻張氏

紀鑄妻陳氏 章海妻陳氏

沈渭妻蔡氏 劉瑩妻邵氏

秦聖妻王氏 楊文瑜妻王氏

葉宗倫妻向氏 鮑德斌繼室陸氏

賈銳妻丁氏 王相妻劉氏

趙瑞妻張氏 李八妻林氏

董鋒妻陳氏 盧璉妻管氏

張葩妻楊氏 馮柏妻王氏

王溥妻胡氏 王紡妻阮氏

朱泉妻王氏 黃倫妻劉氏

朱明妻刁氏 張聖妻茅氏

馮廉妻姚氏 孫屠漢妻吳氏

淮時妻金氏 陳淳妻韓氏

毛恕妻余氏 唐璋妻蔣氏

張性妻楊氏 倪斜妻王氏

黃鸞妻周氏 鳳載道妻周氏

朱氏女 林顯妻周氏

喻通妻王氏 張懷經妻袁氏

劉時清妻嚴氏 張伯蘭妻丁氏

史立模妾馮氏 衛軫妻汪妙瓊

徐堯卿妻李氏 徐元福妻張氏

邵宏學妻汪氏 徐遂妻祝氏

黃忠妻陳氏 邵潮妻鄒氏

邵童妻陸氏 余乾妻施氏

楊大登妻謝氏 蔡溫妻吳氏

金有德妻錢氏 劉坡妻章氏

胡墊妻孟氏 王慕貞

徐輔後妻李氏 周本恭妻趙氏

鄭淡妻馮氏婦 附 高貴珍妻凌氏

高貴津妻汪氏 姚用粟妻唐氏

朱雷妻沈氏 錢國麟妻嚴氏

石美中妻金氏 王泰妻倪氏

董鍊妻毛氏虞氏 附 王鑑妻蔡氏

章柔妻余氏 曹繼祖妻馬氏

王之驥妻祝氏 馬瓚妻馮氏



章倬妻梁氏 章以裁妻童氏

王貽楷妻董氏 張得中妻高氏

金雷妻董氏 董思忠妻宋氏

胡憲章妻章氏 嚴大儒妻沈氏

章允賢妻馬氏

閨媛典第一百六十七卷

閨節部列傳四十九

明四十四

倪秀妻邵氏 李氏樂氏附

按嘉興縣志邵氏嘉靖庚子舉人倪秀妻年二十二夫亡與倪選妻李氏倪深妻樂氏俱守節以壽終李

寡時年二十九樂年二十二有司並旌表

李用仁妻王氏 李用仁媳張氏

屠異妻沈氏 金維秋妻張氏

賀道立妻項氏 高尚仁妻常氏

吳應山妻許氏 胡文孔妻陳氏

姜地妻屠氏 倪文和妻王氏

徐兆先妻夏氏 屠啓元妻劉氏

沈懋德妻常氏 顧臺妻毛氏

朱繼唐妻俞氏 俞光妻沈氏

吳中俊妻范氏 徐禹妻張氏

按嘉興縣志已上十八節婦俱縣人事實無考

莊鴻妻倪氏

按嘉興縣志倪氏年十七適海鹽莊鴻兩載夫亡遺腹生子山而翁亦隨喪與姑相守父欲奪其志倪即斷髮誓死孝養其姑姑疾醫不効氏焚香願天乞以身代已而姑沒治喪盡禮年七十餘卒嘉靖間旌表

嚴從裕繼妻蔡氏

按嘉興縣志蔡氏諸生嚴從裕繼妻年十七歸裕越四載舉子其澳甫三齡而裕沒蔡年二十三每絕粒求死姑以撫孤大義力解之乃強起織紉奉姑養殮令澳讀書脛脯之資悉給十指澳入郡庠娶婦生二孫夫婦相繼喪蔡益拮据苦訓兩孫長忠次愨皆成立艱苦備嘗年七十四卒直指鄭繼芳題請建坊

朱璧妻倪氏

按嘉興縣志倪氏朱璧妻嘉靖間倭亂禾城人民流竄璧挈鄰人之無食者數十家避北秋圩壠上日糶給之月餘倭退盡復故居得保無恙璧以此驚悸得疾死倪氏守節數十餘年年百有二歲子東賜例授衛參軍以養母不仕縣令羅某旌其門

董涓妻虞氏

按海鹽縣志虞氏名嫻少慧知書年十六歸泉山董涓董故大族而涓少得感疾婚兩月無端自經死嫻傷薄命屏鮮華重局自處瘁瘠如稿木苾芻嘗刻木肖夫像事之久而有靈類忽欵欵出汗兩袖時舉涓父以為怪投之火嫻善吟詩嘗咏菊曰移種春苗愛護周柴桑無主為誰秋抱香甘向枝頭死羞任飄風逐水流讀者見其志焉

劉鎮妻邵氏

按海鹽縣志邵氏劉鎮妻鎮亾氏年十六苦節不渝

嘉靖己未以壽終

賀岍妻徐氏

按海鹽縣志徐氏名玉成太守成長女夫賀岍發武科亾子培方四歲撫之成立茹苦三十餘年

徐乾元妻仇氏

按海鹽縣志仇氏生員徐乾元妻乾元嗜學早喪仇無出依父葬父老病扶持數十年人稱節孝

蔣杰妻翁氏

按海鹽縣志翁氏蔣杰妻年二十九杰死家貧撫一歲孤苦節五十餘年

李謀妻吳氏

按海鹽縣志吳氏李謀妻謀少豪俠早瘵死家日凋落吳無出勞勞七十餘年正德嘉靖中縣令屢餽粟調之年八十九卒

鍾師孟妻徐氏 孫女附

按海鹽縣志徐氏名季貞鍾師孟妻師孟勤學病亾徐哭之嘔血數升剪髮二握一納之柩置夫手中一以囊盛之自束臂間窮苦萬端不改其節一子名曉生一女亦少寡剪髮矢志如徐曉沒其後遂斬

周東妻吳氏

按海鹽縣志吳氏獨涯涇吳本女適硤石生員周東生一子逾年而東亾子亦隨死吳年十八苦節奉舅姑盡禮雖孝子弗過終身如一

陳用龍妻王氏

按海鹽縣志王氏陳用龍妻年十八歸用龍二年而夫亾越五十日生遺腹子澆長入太學氏苦節終身年五十有二



姚洪妻吳氏

按海鹽縣志吳氏指揮姚洪妻洪死于陶宅之戰家  
賈之吳紡織自給安葬五喪人稱女傑

王勇繼妻沈氏

按海鹽縣志沈氏指揮王勇繼妻勇早亡子大猷方  
八齡撫之成進士

徐恭繼妻陸氏

按海鹽縣志陸氏指揮徐恭繼妻夫亡孀居嚴肅垂  
老如初

張訥繼室紀氏

按平湖縣志紀氏太學生張訥繼室訥先娶李氏生  
子思孝甫三歲李亡紀年十九歸訥兩載訥死歲大  
饑兄諷之嫁不從給歸將強適豪石氏知亟呼兩兄  
面折之兄不聽紀持刀負子而走夜昏黑見二火前  
導隨之行自舊衙至蒹葭團徒步二十餘里晨而至  
家杜門屏息力撫其孤家日饒裕嘉靖間太守劉良  
棟表其門卒年八十有一

孫官妻劉氏 盛氏附

按平湖縣志劉氏諸生孫官妻官死無出嗣子同祖  
亦亡祖妻盛氏與劉同苦節嘉靖間倭入寇劉年二  
十盛更少皆誓必死顛沛相依歷三十年而歿

陳尚道妻俞氏

按平湖縣志俞氏陳尚道妻年二十而寡無子翁姑  
相繼沒撫嗣孫奉來教之讀書苦節四十餘年御史  
聞于朝建坊旌表

孫洪範妻沈氏 吳氏張氏附

按平湖縣志沈氏諸生孫洪範妻範年二十三病亡

繼姑頗悍氏曲意承歡養居四十年足不踰閭其姊  
吳氏張氏慕其義既寡亦如之

郭山妻陳氏

按平湖縣志陳氏諸生郭山妻年二十山亡子球甫  
三齡氏勤織紡以奉姑甘旨粗糲與子共之後目雙  
瞽年八十四卒

馮叔原妻沈氏 妹附

按平湖縣志沈氏諸生維銳長女適馮叔原年十九  
而寡其妹適鍾鳴升年二十七而寡俱守節不嫁長  
年五十三妹年六十二卒

沈民表妻劉氏 江錫頭附

按平湖縣志劉氏諸生沈民表妻年十九而寡家貧  
無子損衣節口二十四年積金葬其夫棺毀手自整  
脩綿綴成形易新觀以窆有司給粟帛賜之年九十  
終其婢江阿妹八歲事劉長配吳良良死不復櫛髮  
人呼為江錫頭

張國論妻周氏

按石門縣志周氏文學張國論妻國論早亡無嗣氏  
年二十四哀慟幾絕毀容斷髮幾不欲生勤紡織甘  
澹泊奉舅姑以孝聞字姪萬象如子苦節四十餘年  
邑令表其門

茅煥妻錢氏

按石門縣志錢氏茅煥妻年二十三煥歿絕粒誓與  
同死子方六月親戚痛勸乃復飲食奉孀姑馬稱孝  
撼麻以餬口絮蘆花為被苦節五十餘年邑令旌表

胡其久妾張氏

按石門縣志張氏龍巖令胡其久妾年十六歸胡克

循厥職三載其久病沒於官張哀毀傷痛幾欲捐生  
父母諭以改嫁遂斷指截髮苦守一室足跡不出庭  
戶四十餘年終

胡獻忠妻呂氏

按石門縣志呂氏生員胡獻忠妻年二十六夫沒子  
漢陽甫三齡翁其久任閩龍巖令二載歿於官呂數  
千里長途懷孤扶柩跋涉險阻歸葬訓子讀書督以  
義方敦族睦鄰動止可法年八十三有司旌表

沈喬妻莊氏

按石門縣志莊氏沈喬妻年二十一喬貧而無子  
撫姪為嗣苦守紡織奉翁姑惟謹歷饑荒凍餒無怨  
或說更適輒唾之年六十餘年

范宸妻朱氏

按石門縣志朱氏文學范宸妻宸早亡無子其姪七  
歲而殤復撫一姪孫奉宸祀蔬食縞衣事舅姑生死  
盡禮年七十終

胡曉妻周氏

按石門縣志周氏胡曉妻曉亡周年二十三無子舅  
姑父母相繼沒兄憐其貧令改嫁周斷髮不從鞮衣  
枵腹勵節彌堅歷四十餘年卒

鍾若初繼妻姚氏

按石門縣志姚氏年十七為文學鍾若初繼妻甫十  
月若初亡氏課前室子讀書成立年五十一終

周鑾繼妻盧氏

按石門縣志盧氏周鑾繼妻年二十夫歿無子父逼  
改嫁周念姑病而前室子幼不從孝養慈育歷六十  
年終

胡岱妻顧氏

按石門縣志顧氏諸生胡岱妻歸兩月岱氏年十九幾欲自盡倭猝臨城護喪守死徹垢垂四十年終

趙良周妻沈氏

按石門縣志沈氏教授沈校女文學趙良周妻年二十四夫區家貧甚姑喪醫婢以殯二子洪真洪典自襁褓中撫育訓課迄於成立歷苦節三十年邑令旌表

沈曰都妻鍾氏

張氏附

按石門縣志鍾氏文學沈曰都妻年二十四夫區無子女貧苦不改其節年七十餘終都姪大化妻張氏亦二十八而寡與鍾連屋而居事鍾如姑苦節相勵撫一歲孤成人

王錫妻陸氏

按石門縣志陸氏年十七適王錫半月錫病區陸欲自盡念姑老不忍撫姪為子坐役破產食貧攻苦七十年如一日

姚吉妻沈氏

按石門縣志沈氏姚吉妻吉善病且貧沈拮据治饔殮年二十五而寡撫子舜宰伶孤弱狼狽相依遇歲旱潦復被火氏凍餒不移其志即病未嘗問醫年六十餘旌表

錢琦妻沈氏

按石門縣志沈氏名武蓮錢琦妻琦夜歸溺于水沈年三十二奔至溺所將殮之姑援得免孝養舅姑葬夫盡禮遺孤甫娶復夭及又撫遺腹孫以延危祀卒年七十有七周黃門呢傳其事

王良佐妻張氏

按石門縣志張氏王良佐妻年二十七而寡姑老病或勸之嫁張輒欲自經家人覺而救止卒養姑撫子以苦節終身

沈伯潛妻費氏

按石門縣志費氏適萬安博士沈鑿子伯潛四月伯潛死無子費坐臥一樓與一老婢織絛自給人罕得觀其面稱樓上寡婦後貧其樓亦廢止豕圈旁舍風雨不蔽舅姑相繼歿遭旱潦益不能存老婢行乞以養婢復斃于道乃依其寡姪婦居又十餘年而卒

楊業妻宋氏

按湖州府志宋氏楊業妻長與年二十一夫區守節不移嘉靖間旌表

梅禮妻王氏

按湖州府志王氏孝豐人梅禮妻年二十而寡子方一歲家貧甚紡績織絛以資衣食孀居六十餘年嘉靖間旌表

錢塘妻費氏

按湖州府志費氏錢塘妻長與年十七夫死無子苦節自持嘉靖間旌表

王文妻唐氏

按湖州府志唐氏烏程人諸生王文妻年十七生子十日而夫區務居苦守以壽終嘉靖間旌表

孫溥妻李氏

按湖州府志李氏歸安人諸生孫溥妻年二十一夫死守志三十餘年嘉靖間旌表

潘應宿妾吳氏

按湖州府志吳氏烏程人舉人潘應宿妾年二十八潘區矢志守節卒年六十六嘉靖間奏聞旌表

潘鈇妻閔氏

按湖州府志閔氏烏程人諸生潘鈇妻年十九夫死孤苦自持守節終身嘉靖間旌表

臧葵妻馮氏

按湖州府志馮氏臧葵妻長與年二十四夫死無子守節四十二年嘉靖間旌表

孫應福妻姚氏

按湖州府志姚氏諸生孫應福妻長與年二十三夫死無子誓無他志嘉靖間旌表

施敏妻王氏

按歸安縣志王氏施敏妻施客湖湘遇盜死是夕王夢夫語以故王寤號慟齋素踰月凶問果至王年甫二十餘毀容屏守婢亦感化奉之終身

卞璫妻黃氏

按歸安縣志黃氏卞璫妻夫死不二以壽終

卞璫妻沈氏

按歸安縣志沈氏卞璫妻夫區苦節數十年卒

沈理妾倪氏

按歸安縣志倪氏訓導沈理妾理區無遺畜倪撫其孤黽勉朝夕其嫡賴以共守以壽終

唐謹妻潘氏

按歸安縣志潘氏唐謹妻年十九夫區家窘甚氏堅守不外慕撫其孤成立以壽終

臧世基妻閔氏

按長興縣志閔氏方伯宗德女幼嫻文墨性剛決年

十四齋戚世基爲壻數載世基歿氏素服歸戚哀毀  
瀕死嘗見世基入室同坐一痛垂絕逾年亦沒年僅  
二十一世基兄國基娶方伯蔡繼善女蔡性和緩年  
十五來歸國基爲諸生早巳蔡孀居一十四年椎髻  
布衣足不踰閭年三十六卒閨遺一女蔡子女俱殤

高則明妻費氏

按長興縣志費氏貢士高則明妻明仕南昌娶費後  
遷滇南以途遙雷氏奉舅姑于家則明沒於官氏聞  
訃號痛奔南昌白母家迎則明骸骨歸葬力持門戶  
克昌厥後一時名公咸爲詩歌咏之

高名世妻潘氏

按長興縣志潘氏儒生高名世妻年二十而孀七十  
二而歿順事舅姑姑歷兩繼無間言五十年間儒嘗  
茶苦教三子皆成名閭範母儀冠于宗黨郡邑兩旌  
其門

楊蒙妻宋氏

按長興縣志宋氏楊蒙妻年二十一生子湛甫半月  
蒙死誓曰肯夫不義棄子不慈不義不慈非婦道也  
事翁姑守志節而終嘉靖二十九年奏請建坊

錢得吾妻孫氏

按長興縣志孫氏儒士錢得吾妻年二十三夫亡  
孤大選甫三齡氏苦守之紡績延師訓迪選九歲善  
屬文十三采芹十九中一榜二十五而歿邑令熊明  
遇相棒助殯歲給衣帛以勵苦節大選妻劉氏無子  
亦矢志如姑御史李邦華題請建坊表其閭

沈觀瀾妻費氏

按長興縣志費氏省祭沈觀瀾妻年十九喪夫茹苦

撫孤承緒饋于庠氏以壽終事聞建坊旌表

丁久妻金氏

按武康縣志金氏溪上丁久妻年十九而久亡遺腹  
三月生子坎撫育顧復極盡劬勞家貧工紡績以餬  
口肩守一樓足不妄下垂二十年及坎娶始出見親  
鄰觀花燭嘉靖三十二年御史給粟隆異之壽八十

丁思孝妻沈氏

按武康縣志沈氏里民沈茂程女適丁思孝牛載夫  
死臨葬求廣其穴不得請遂斷指以矢靡他撫伯氏  
子爲嗣日以女紅供舅甘旨母石氏病割股以治邑  
人請於學使者旌其閭

韓克相妻阮氏

按寧波府志阮氏定海人性慈順敦朴適儒士韓克  
相未幾相亡氏年二十值家多艱備嘗辛苦事舅姑  
久而彌篤撫遺腹子繼宗訓以義方長遊藝苑克成  
夫志嘉靖二年縣令鄭餘慶表其門年七十四卒

趙勤妻余氏

按寧波府志余氏名德貞鄞人年十九歸郡諸生趙  
勤不二年勤病亡遺一子文志方週母子伶仃適遭  
回祿又歲饑絕粒族人欲奪其志德貞斷髮折指以  
死自誓躬紡績以苟延朝夕撫養文志成人凡四  
十八年年六十八卒

夏冕妻王氏

按寧波府志王氏鄞人夏冕妻年二十三夫亡遺二  
孤俱在襁褓氏呼天大慟矢志無他姑老齒髮皆落  
朝夕以乳乳姑教子讀書不懈氏始歸夏夫與兄弟  
析產氏曰夫子儒流也獨不識田荆之義乎夫感其

言遂復合爨嘉靖丙辰倭寇卒至男子盡出捍護氏  
負姑入山披棘碎膚以全姑命比得疾急營喪葬之  
事泣涕而沒

呂瑛妻張氏

按寧波府志張氏鄞人呂瑛妻年二十四瑛亡貧不  
能堪氏誓不改適撫遺孤成人年八十餘卒有司上  
其事旌表

紀鏐妻陳氏

按寧波府志陳氏鄞人紀鏐妻鏐病癩不可近陳竭  
力事之一無所嫌夫亡陳年二十七無子哀慟屢絕  
矢志不移力勤紡績以養舅姑撫嗣子清教養備至  
以壽終

章海妻陳氏

按寧波府志陳氏鄞人章海妻年二十四夫亡越三  
日產一女姑鍾氏愛其季子欲肥其產連奪二長婦  
之志夫將及陳上海葬囑管單穴陳截髮嚙指矢死  
靡他悉指奩具又盡一穴宗人知不可奪爲立姪應  
岐爲後氏屏膏沐含苦茹辛紡績以養撫教男女咸  
有禮法終其身如一日焉

沈渭妻蔡氏

按寧波府志蔡氏鄞人沈渭妻年十九歸渭甫數月  
渭父以赴選之京師蔡謂其夫曰翁老遠行君當隨  
侍勿以新婚啖養也渭從其言是歲生子應麟明年  
渭死蔡一哭輒仆逾時始甦事舅姑滌灑洗腆必親  
舅姑欲奪其志輒抱子而泣矢志益堅卒全其節

劉瑩妻邵氏

按寧波府志邵氏慈谿劉瑩妻嫁未三年瑩亡邵苦



節自守始終無改嘉靖間奏表其閭

秦聖妻王氏

按寧波府志王氏慈邑諸生秦聖妻夫亡王年少遺子女皆幼父母欲奪其志王抱子大哭以死自誓卒撫其子女成人嘉靖間奏表其門

楊文瑜妻王氏

按寧波府志王氏鄞人楊文瑜妻瑜戕于傲弟不得其死氏年二十八號泣屢絕憤欲自經以方娠不果姑以家貧必欲奪其志氏顧天誓以必死逾月生子鎬遂含冤茹苦撫孤成立足不踰閭目不窺戶言笑不苟屏絕膏沐宗戚罕接其面歲時追祀輒涕泣不食養其姑雖值凶荒不缺甘旨嘉靖壬午有詔旌其門

葉宗倫妻向氏

按寧波府志向氏慈谿人儒士葉宗倫妻倫將游學氏脫簪珥資其脂秣倫感激發憤積勞成疾客死寓齋歸葬氏欲以身殉姑謹防之弗果時年二十餘編衣素食家人罕覩其面事姑終老有司旌其門

鮑德斌繼室陸氏

按寧波府志陸氏名莊昌國千戶女年十八歸鮑德斌為繼室前妻徐氏生五子曰鑰銀鑄鏘莊生二子曰欽鏡德斌莊年二十四父母欲奪其志莊曰夫以七子相託吾去真此曹何地以死自誓撫養七子慈惠嚴肅人無間言壽七十七終

賈鏡妻丁氏

按寧波府志丁氏年十七歸寧波百戶賈鏡未幾鏡以輸漕赴京死于途丁聞訃一哭而隕家人灌救移

時乃甦日夕哀哭淚盡繼之以血數欲自縊密防得免撫前妻子女榮如己出叔氏潛謀奪其志丁曰妾幸有子將勉力有成以嗣世勸綿賈氏後既不相容從吾初志可也即引刀斷其指叔懼不敢復言丁益勵志屏息不出一日火燎其室氏仰天告哀旋即息滅里人驚異年六十九無疾而逝

王相妻劉氏

按寧波府志劉氏名淑清鄞人年二十歸王相相舉進士為翰林編修死于諫劉檢其遺囊獨圖書一匣扶柩歸極力營葬未幾而遺孤又殤乃子其從子含哀茹苦躬御紡績以供舅姑已而舅姑相繼歿傾家治喪不使有後悔齋居三十餘年雖內戚鮮得接見

趙瑞妻張氏

按寧波府志張氏名潤玉鄞人趙瑞妻生子龍甫四畚而瑞亡家故貧至是益落舅姑垂白諸孤稚日嗷嗷待哺親黨咸危之張獨茹荼攻苦紡織以給俯仰至死足不踰閭語不高聲舅姑歿晝夜號哭無已子龍長擇師教之為邑諸生娶孫氏能養孀姑頗孝竭力供事以疲瘵死

李八妻林氏

按寧波府志林氏鄞縣陽堂鄉李八妻八故山農備乞為活生子性三方週而八凶林年二十八擗踊哭泣幾不欲生既葬或憐而說改適不從性三長娶婦丘氏舉一孫而性三又死丘再嫁林抱遺孫紡績自給未嘗見有愁苦之色人尤難之

董鍾妻陳氏

按寧波府志陳氏鄞縣孝廉董鍾妻鍾上禮部試道

氏年二十六日抱遺孤哀慟欲絕已而遺腹復生子劬勞况瘁並育兩孤克全其節

盧璉妻管氏

按寧波府志管氏鄞人盧璉妻年二十八夫死撫三月遺孤誓死無他志終身不衣羅綺教子克成

張葩妻楊氏

按寧波府志楊氏鄞人張葩妻年十九歸張甫七日而寡以死誓不改適諸伯欲奪其產誣以流言終不為動白首如初

馮柏妻王氏

按寧波府志王氏慈谿儒生馮柏妻柏亡壬午年二十五遺孤方七月忍死鞠育奉舅姑孝敬不衰鄰屢失火及氏寢即滅人以爲節孝所感

王溥妻胡氏

按寧波府志胡氏奉化諸生王溥妻年二十一溥亡父母欲令他適氏顧天自誓以從子訓為後閉門紡績孝養舅姑未嘗少懈從子誥成進士欲乞旌表胡至止之年七十九而卒

王紡妻阮氏

按寧波府志阮氏奉化王紡妻年二十七紡歿阮號哭幾絕母憫之百計誘嫁終無他志夫兄利其產乃盡鬻其田園俾無所衣食阮亦不與爭躬織紉忍饑寒苦節益厲非舅姑祭祀不出寢室年七十四而卒

朱泉妻王氏

按寧波府志王氏鄞人年十八歸朱泉泉遭疾氏宛轉左右涕泣露禱請以身代及亡擗踊號慟欲繼以死時遺孤應樞暨女俱幼強起撫之為擇賢師奉姑

以孝育姪如子傾貲以出父於獄死之日無親疎遠近咸爲涕泣

黃倫妻劉氏

按寧波府志劉氏定海黃倫妻生二子夫亡氏年二十七哀毀幾絕矢志不移孝養舅姑治家教子咸有成法卒年八十五詔旌其門

朱明妻刁氏

按寧波府志刁氏慈谿朱明妻明公刁年二十餘遺三歲子貧窶無依父母憐而計嫁之刁矢志自勵勤紡績課子力學補邑弟子員有司以聞詔旌表

張聖妻茅氏

按寧波府志茅氏慈谿張聖妻嫁七月而聖亡茅痛哭嘔血以頭觸棺幾絕及葬哭仆諸娣扶歸過哀成疾至死不迎醫雖諸從子亦罕接見

馮廉妻姚氏

按寧波府志姚氏慈谿馮廉妻夫亡氏年二十七守志終身未嘗見齒教其子材爲名士縣令請旌其門

孫屠漢妻吳氏

按寧波府志吳氏鄞縣進士吳仲賢女孫屠漢妻年二十生子備未週漢亡氏哀毀踰禮家貧茹苦力作以養其姑姑病露禱願以身代人稱節孝嘉靖間有司奏旌其門

淮時妻金氏

按寧波府志金氏鄞人贈通判金潛女年十六歸淮時淮父殯在堂堂災金伏棺慟哭火旋熄棺得無恙踰年淮客死吳中喪歸金哀哭墮地及終喪所親以微言探之氏以死自誓勤女紅以養姑姑疾朝夕侍

湯藥承穢惡不厭比死脫簪理營葬守節四十餘年如一日有司奏旌其門

陳淳妻韓氏

按寧波府志韓氏鄞人年十七歸封里陳淳淳隨父之官道亡韓年二十二撫三歲子培堅貞苦節終身不妄言笑不衣華綵事紡績三十餘年有司旌其門

毛恕妻余氏

按寧波府志余氏岐山余文女毛恕妻恕公氏年二十四子實方四歲伯叔逼之嫁不聽鞠實成人年八十而歿

唐璋妻蔣氏

按寧波府志蔣氏鄞人唐璋妻年二十八夫亡長子四歲次甫週或以子幼家貧諷改適氏遂剪髮自誓閉戶紡績撫育二子成人年八十卒鄉里賢之

張性妻楊氏

按寧波府志楊氏張性妻年二十四而寡無子以伯氏子爲後早夜惟事女紅祈寒暑雨不廢粗糲衣裳浣濯楚楚無纖塵垢節食撙費以防不足鄉人難之

倪鉞妻王氏

按寧波府志王氏定海人歸鄞縣倪鉞性不慧平居以時花疊石爲業王勸使從伯氏習治生之術相夫以敬一日倪忽夢魘死王年二十七一女子幼者纔四月病瘡疹甚劇氏銜痛以調攝其子幸各保全家益衰落至不能給口旦夕縋紛無間寒暑慷慨勵其子曰丈夫會有消長無事戚戚惟恐海乾人白頭耳後家亦稍裕年八十四以壽終

黃鶯妻周氏

按慈谿縣志周氏年十九歸定海黃鶯甫三月鶯有事南畿道病還閱兩月而周方妊痛幾絕後父病歸寧母欲奪其志輒忿泣趨簷下欲觸破甕二嫂急持而止即徒步歸黃深居不出一日忽有翠鳥飛集右手感泣不已舅慰之曰翠鳥鷹揚之物得男之兆也不數日果生子橋教育有成有司奏請旌表

鳳載道妻周氏

按慈谿縣志周氏邑庠生周書女舒城令鳳山第五子載道妻嘉靖丙辰倭寇載道負八十二齡之老翁避難於後花園叢木中遇賊羅難踰年其舅亦歿氏營葬事與諸伯叔等守節撫孤鳳翔入鬻序年終九十餘有司旌表

朱氏女

按紹興府志朱氏女父山陰朱憲幼許周沔未婚而沔亡女聞往服喪剪髮以誓終身撫姪爲子惟事紡績自給足不出戶偶患疾爲延醫不許年七十一卒臺使者旌其居

林顯妻周氏

按紹興府志周氏邑庠生周書女舒城令鳳山第五子載道妻嘉靖丙辰倭寇載道負八十二齡之老翁避難於後花園叢木中遇賊羅難踰年其舅亦歿氏營葬事與諸伯叔等守節撫孤鳳翔入鬻序年終九十餘有司旌表

張懷經妻袁氏

按紹興府志袁氏邑庠生袁立模妻北京人模妻蘇生子自強既天乃置馮是時模方爲行人久之無子而立模以給事中謫判通州擢蘇州別駕則又置維楊李氏李生子復殤而李自是病立模不復御矣一日立模受檄之他郡馮前請曰主君日驅馳王事嗣息奈何

史立模妻馮氏

按紹興府志馮氏邑庠生袁立模妻北京人模妻蘇生子自強既天乃置馮是時模方爲行人久之無子而立模以給事中謫判通州擢蘇州別駕則又置維楊李氏李生子復殤而李自是病立模不復御矣一日立模受檄之他郡馮前請曰主君日驅馳王事嗣息奈何

此行度未即返盍召李俱立模搖手曰彼已廢無已寧汝耳則始曰諸候立模既寢乃抱持李置倉中去李遂孕踰年生子自上生之日馮親為噬臍愛護甚至後五年李立模自惠州知府考績歸亦歿又二年蘇復從模地下自上甫八歲諸疆宗牌財產時攘臂而起馮以死守之課婢僕有法家事賴以不廢自上或從羣兒嬉遊則召捷之曰吾為汝千辛萬苦始得汝長今家道式微史氏不絕如綫而乃若此耶是時郡主事德容方重於鄉以馮故妻自上以女自上後領嘉靖四十二年鄉薦為平陽府同知有五子次子元熙萬曆二年進士

衛軺妻汪妙瓊 徐堯卿妻李氏

徐元福妻張氏 邵宏學妻汪氏

徐遜妻祝氏 諸生黃忠妻陳氏

按紹興府志已上六婦俱嘉靖間旌表事實無考

邵潮妻鄭氏 邵童妻陸氏

余乾妻施氏 楊大登妻謝氏

按紹興府志已上四婦俱餘姚人嘉靖二十九年旌表事實不傳

蔡溫妻吳氏

按紹興府志吳氏諸暨人年十六歸蔡溫明年溫沒守節八十五年百有一歲乃卒

金有德妻錢氏

按紹興府志錢氏金有德妻早寡守節卒年五十二

劉坡妻章氏

按紹興府志章氏山陰諸生劉坡妻坡早亡章有娠方五月既而產子宗周家貧困章紡績撫孤食不給

嘗飲水而臥歸依母家未幾姑歿翁老疾章還事之析薪荷汲持藥糜望顏伺息未嘗少惰三年宗周體屏弱章每憂念不置遂嬰疾然以貧故忍弗療治宗周登賢書誠勿干戶外事貧如其素既而宗周登進士放榜日章卒於家後建坊旌表

胡塾妻孟氏

按紹興府志孟氏胡塾妻山陰人塾嘉靖間處士孟年十九無子繼伯氏子茂為後紡績事姑歷數十年親黨不聞其笑語郡守旌其閭元孫昇猷成進士

王慕貞

按紹興府志王慕貞山陰王子清女幼喜讀書能識字許字劉志學劉故蕩子未婚客燕十餘載不返移書令女他適女不可及劉客死父母議更聘女泣云劉母瞽雙目以乞貸度日為其聘媳二十餘年不得一日之養可乎乃往事劉母七年劉母沒守墓數月忽得微疾沐浴焚香端坐而死時盛夏陳尸不臭而有香邑令躬往祭奠巡鹽使者捐貲建祠同沈烈婦祀之

徐輔後妻李氏

按紹興府志李氏晉江人蕭山徐輔後妻輔為晉江訓導娶李末期輔沒於官父憫其少而無子誘歸集諸姑姊留之李欲自盡乃已既而扶觀歸葬毀容自守撫前妻子一元如已出一元死又撫其孫孫死復撫曾孫焉嘉靖十四年旌表

周本恭妻趙氏

按紹興府志趙氏周本恭妻諸暨趙孟德女名淑少時父嘗授孝經列女傳諸書年十八歸本恭十一年

而恭沒時值兵亂趙嚙指自誓挈孤從一騰避山谷間饑餓顛踣無二心亂既定還家治麻纒自給夜燃松脂以詩書口授諸孤其夫兄亦早死而遺其子趙撫之愛如己出婚娶亦先焉後皆克成立

鄺淡妻馮氏

按紹興府志馮氏鄺淡妻諸暨人名寶娘適淡未數月淡亡馮年二十三以姪楹為嗣苦志自守一婢有殊色人爭求娶馮亦命之辭曰願與主母同老終亦不嫁其後淡墓產連理木一株馮年八十卒婢亦年七十餘

高貴珍妻凌氏

按山陰縣志凌氏高貴珍妻珍亡凌年二十九苦節自勵四十八年如一日尚書魏驥贊之曰其德也恆其志也明譬如雪中松柏火後琤珩雖經灼鑠剝蝕之慘顧其光愈潔而操愈貞是誠無假乎朝廷之旌

高貴津妻汪氏

按山陰縣志汪氏高貴津妻年十九于歸末期而津沒哭踊幾不欲生苦節至五十餘年卒郡守表其閭

姚用栗妻唐氏

按山陰縣志唐氏姚用栗妻栗正德戊辰進士鵬之子以苦讀早喪氏年二十七撫一子五孫俱克成立年九十四嘉靖間旌表

朱雷妻沈氏

按山陰縣志沈氏朱雷妻夫亡苦節無子以夫兄子廷瑞為後年九十四卒

錢國麟妻嚴氏

按會稽縣志嚴氏錢國麟妻年二十二而寡無子



勞苦守歷六十年終

石美中妻金氏

按會稽縣志金氏石美中妻幼聰慧好讀書通列女傳歸美中偕任三吳每脫簪珥佐不給不欲其夫以苞苴玷清白奉姑至孝嘗刲股為愈疾美中亡家業蕭然矢志課子之貞舉順天鄉試之貞婦張氏尤盡誠孝姑老無齒艱粒食張日乳哺之金賴是得壽考

王泰妻倪氏

按會稽縣志倪氏康生王泰妻泰冒雪千里白父冤于軍門冤白而泰死氏年二十餘家貧苦節事姑盡孝教子俸成名嘉靖十一年年八十八別族曰吾將逝矣俸跪泣曰我母苦志教子歷官二任囊所貯積當為母請題建坊以報母德氏曰吾今而後止死得再嫁耳奚建坊為言訖而絕

董鍊妻毛氏 虞氏附

按會稽縣志毛氏董鍊妻年二十餘鍊死不嫁課子成家鍊弟鉅妻虞氏與毛同時守節年七十餘嘉靖己亥郡守湯紹恩題旌

王鑑妻蔡氏

按會稽縣志蔡氏王鑑妻鑑亡無子氏年十九或諷之則曰吾志已定即貧且無子安可奪也躬紡績以供舅姑辛苦五十餘年嘉靖間詔旌表

章柔妻余氏

按會稽縣志余氏孝廉章柔妻柔以會試道亡余聞訃頓絕久之復甦曰吾固可死不可使孤兒無恃未幾子殤撫姪成立宗黨見其辛苦為之垂淚郡守洪珠表其閭

曹繼祖妻馬氏

按會稽縣志馬氏曹繼祖妻高州守謙之孫婦繼祖歿氏年二十一子甫二齡家貧備歷辛苦訓其子成立偶疾子為延醫氏拒曰曩不即死以汝幼耳今何用哉竟弗藥疾亦竟愈年六十三卒郡守表其閭

王之驥妻祝氏

按會稽縣志祝氏儒生王之驥妻歸甫六月驥隨父之官越二年歸不踰月而死祝獨居一室日取清泉一匱盥濯以比潔六十年戚族罕觀其面無子教一女端飭如母郡守表其閭

馬瓚妻馮氏

按會稽縣志馮氏馬瓚妻瓚死氏年二十九父母欲嫁之氏斷髮破面以自殘撫教遺孤文顯備針以給文顯卒成儒官氏年六十九卒郡守旌其門

章偉妻梁氏

按會稽縣志梁氏章偉妻年二十二夫亡以家務付叔代理內無三尺之僅僅一老婢相隨得上壽而終章以裁妻童氏

章以裁妻童氏

按會稽縣志童氏諸生章以裁妻以裁早亡孤子尚綸又苦讀嘔血死家貧餽粥不繼氏紡績以撫其孫貞嘗訓之曰汝讀祖父書學孝事吾百歲後魂魄猶戀汝也否則即生前不願見汝貞卒成乙未進士

王貽楷妻董氏

按會稽縣志董氏王貽楷妻夫亡苦節三十年遺孤謀煖又早喪僅遺一孫裕址撫之終身

章得中妻高氏

按會稽縣志高氏章得中妻生三子得中早喪氏年

二十四姑陳氏垂老長子麥雀僅七歲氏苦志甘貧養姑課子年九十一終

金雷妻董氏

按會稽縣志董氏金雷妻早寡家貧備歷艱苦性素嚴潔潔不可犯勤紡績以養舅姑撫姪成立卒年九十有七孀居六十餘年嘉靖間詔旌表

董思忠妻朱氏

按會稽縣志朱氏宋知遠孫女董思忠妻歸數載思忠死哀毀之狀見者憐而敬之撫嗣子懷浦不啻己出年八十一詔旌表

胡憲章妻章氏

按會稽縣志章氏名妙真胡憲章妻早寡無子苦節自守或欲奪其志即向墓號泣墓有白鳥來巢鄉人以為貞潔所感卒年八十有五嘉靖中詔旌其門

嚴大儒妻沈氏

按會稽縣志沈氏嚴大儒妻幼而敏慧十歲通女誡及女論歸數載夫亡幾欲相從地下舅姑曲論以保孤大義得不死丙夜篝燈訓其子女常繼之以泣雖至戚歡聚未嘗見喜色嫁女雖荆布楚楚絲纒皆手澤聘婦勿尚盤悅而實意未嘗少簡子早歲能文不售遭疾死氏泣曰予食生至今日為存孤也今何用復生遂卒年五十一廂節二十八年

章九賢妻馬氏

按會稽縣志馬氏章九賢妻早歲孀居翁姑恐其不終強他適氏號天哭誓苦節自持曲盡孝養郡邑旌之

欽定古今圖書集成明倫彙編閩媛典

第一百六十八卷目錄

閩節部列傳五十

明四十五

傅承寵妻徐氏徐氏附 徐鳳梧妻魏氏

包曾義妻孫氏 單之祥妻盛氏

丁露妻陳氏 張誼妻黃氏

沈炳秀妻陳氏 周大器妻徐氏

王宗岱妻張氏 楊敏妻齊氏

駱黼妻錢氏鄭氏附 余獅妻曹氏

陳有智妻李氏象氏附 王燦妻陸氏陳氏附

聞人才後妻黃氏 諸永言妻鄭氏

韓墳妻項氏 史鸞妻陳氏

周汝登妻沈氏 呂氏女

陳克華妻楊氏 諸璧妻李氏

史立恆妻潘氏 汪信一妻黃氏

汪忱妻趙氏 周智妻毛氏

岑越登妻翁氏 岑桂妻張氏

景僖妻張氏 孫紀妻嚴氏

許璧妻陳氏 石模妻盧氏

石校妻董氏 吳仁賢妻段氏

朱瑛妻李氏 邵梓妻陳氏

邵弘化妻翁氏 陳采妻周氏

張治績妻楊氏 聞金章妻任氏

黃鳳鳴妻蔡氏 黃益妻李氏

沙明寶妻樓氏 毛明綸妻翁氏

顧廉妻邵氏 孫光德妻魯氏

盧時遵妻黃氏

楊煜妻某氏

陳治言妻胡氏

王竹妻高氏

鄭昶妻郭氏後節婦附

張雍妻朱氏

彭鏡妻周氏

黃養妻楊氏

應文照妻吳氏楊氏附

柯劄妻厲氏

胡氏盧氏

郊貴學妻丁氏

蔡得儀妻王氏

王堪妻郊氏

趙琳妻施氏

張韻妻王氏葉氏附

李檢妻鄭氏

李霞妻趙氏

徐鷗妻謝氏

張于章妻葉氏

符允方妻周氏

謝世白妻胡氏

王湘妻蘇氏

施升妻葉氏

王邦宣妻馮氏

儲歡妻王氏

楊佳妻華氏

余乾妻施氏

朱岐妻李氏

姚麓妻王氏姜氏附

王玖妻楊氏

鄭鎮妻高氏

蔡愷妻王氏

解茂標妻蘇氏

應子美妻王氏柯氏附

趙逢春妻吳氏

沈興文妻江氏

徐本妻林氏

王天福妻陳氏

王玖妻陳氏

趙性妻王氏

徐慶亨妻李氏

孫成繼室盛氏張氏附

孫天洵妻池氏

符洪悅妻王氏

牟端妻解氏

陳一經妻楊氏

施朝妻鍾氏

何鳳妻馮氏

池仲廣妻何氏

符舜昭妻陳氏

胡允偉妻王氏

黃沛妻周氏

俞嶧妻陳氏

王補妻潘氏

王桂妻包氏

鄭允寬妻葉氏

董汗妻陳氏姜氏附

董瑞妻朱氏

吳克亨妻周氏

張選妻潘氏

趙廷亨妻張氏連氏附

戴彥信妻沈氏

暨仁壽妻王氏

應氏附

尹德袞妻吳氏

張義時妻吳氏

潘席珍妻李氏

應洪獅妻朱氏

徐洪蛟妻張氏陳氏附

吳炳用妻潘氏二金氏附

蔣熠妻張氏

張鼎熹妻徐氏

張桴妻尹氏

張堂賢妻顧氏

徐麟妻陸氏

徐諡妻谷氏

陳守卿妻錢氏

孫暹妻毛氏

岑恒妻何氏

楊堯臣妻周氏

王南妻黃氏

鄭守對妻汪氏

華棟妻陳氏

朱捨妻徐氏

王良輔妻袁氏

許鈺妻陳氏

王懋學妻余氏

張世楷妻王氏

徐仲成妻裘氏

張惟本妻陸氏徐氏朱氏附

林世珍妻應氏

應洪憲妻王氏

趙佳球妻朱氏趙氏附

王懋斗妻余氏戴氏附

朱君偕妻趙氏

張源沂妻王氏林氏附

蔣漢臣妻李氏

應宗儒妻陳氏

應實妻鄭氏朱氏附

張澄妻王氏存泰妻附

徐珪妻邵氏

王守中妻朱氏

楊熠妻謝氏

邵方母陳氏

岑祿妻張氏

楊大登妻謝氏

楊文宰妻俞氏 王錦妻胡氏

陳琬妻符氏 黃綺妻范氏

陳孟廉妻徐氏 呂杜妻沈氏

黃一禮妻周氏 夏道寧妻鄒氏

毛世鳳妻楊氏 趙子卿妻胡氏

張恩立妻鄭氏 徐整妻諸氏

夏思新妻陳氏 毛鳳岐妻顧氏

諸倫妻沈氏 周子恭妻胡氏

鄒欽妻單氏 黃應鐘妻傅氏

楊堂茂妻何氏 張一致妻蘇氏

邵童妻陸氏 徐選妻張氏

吳術妻谷氏

閩媛典第一百六十八卷

閩節部列傳五十

明四十五

傅承寵妻徐氏 徐氏附

按蕭山縣志徐氏傅承寵妻承寵未娶得痲疾徐父欲悔之氏不從卒歸傅承寵痲益甚氏調護曲盡越六載寵亡寵弟承宸方娶俞氏而病瘵六月死妯娌共守節俞氏父憐女少欲嫁之俞持刀斷髮自刃瀕死父乃止徐有子德新俞通經史常提誨之有司表

其間

徐鳳梧妻魏氏

按蕭山縣志魏氏徐鳳梧妻梧浪遊客死氏年二十守一子奉姑以居晝夜辟蠹易粟以爨及姑沒子為姦人誘賣氏獨處一室竈常無烟雪夜以草薦自覆或謀娶之惕以威勢氏曰人不畏死又何畏焉我必不以窮餓故辱我祖先也後子長得脫歸漁釣為業以養母焉

包會義妻孫氏

按蕭山縣志孫氏包會義妻義賈京師亡氏年二十六苦節誓酬夫志晝夜勤劬養姑字幼姑亡殯葬盡禮邑令上其事歲給粟帛終其身

單之祥妻盛氏

按蕭山縣志盛氏年十六適單之祥祥病蠱氏日夜籲天請代衣不解帶歲餘祥沒欲從死姑勸止之孤幃匿影蹈矩循繩凡四十餘年如一日邑令上其事臺使者歲給粟帛旌其門

丁露妻陳氏

按蕭山縣志陳氏儒士丁露妻陳殷女也年十七歸露暮年露亡誓不二適遺腹生子隨殤舅姑欲奪其志陳氏泣曰所以不死以舅姑在耳何乃不諒若是焚居八十餘年年九十九卒嘉靖初縣令秦鎬表其閭

張誼妻黃氏

按蕭山縣志黃氏名淑貞張誼妻誼舉進士迎黃之京而誼已病亟氏籲天請代卒不起黃年二十六欲從死左右以遺孤苦勸之稍進饘粥扶柩抵家事舅

姑以孝睦宗黨以禮相膏沐謝宴會苦節四十年足不踰閭言不妄發臺使歲給粟帛復其家

沈炳秀妻陳氏

按蕭山縣志陳氏長巷沈炳秀妻父遭疾贅秀於家時秀年十五陳年十四合卷甫四月秀患腹疾死陳號慟欲絕父母憐其幼欲令改適使婢持百花綺裙示之揮去不顧年二十一有富人倩一達者為媒父為治具陳問故叔母以告陳慟哭即持澗水澆媒氏衣媒遑遽走由是辭父母歸夫家立夫兄子為嗣母子相守熒熒一室人罕得見其面惟寒食展墓借妯娌一往哭必盡哀聞者垂涕以是終焉

周大器妻徐氏

按蕭山縣志徐氏各清源儒士周大器妻年十九歸大器七年夫亡氏哭踊不食幾絕者再其母故餓其兒啼於前乃抱兒曰吾為爾延一息耳既葬夫並營已壙以示不二蓬垢蔬食苦鞠遺孤手寫夫像懸於室值望日題其像曰此月有時缺此心終不虧願將今夜月常與我心隨忌日哭奠盡哀凡遇婚嫁慶賀即潛潛淚下宗人咸為感泣後子長家業漸隆親戚前為壽輒恚不見終身寢不解衣足不踰閭年六十三臨終又自題其像有司九表其門

王宗岱妻張氏

按蕭山縣志張氏誼之姊讀書知古訓歸諸生王宗岱六載而岱沒二子紹充紹冕皆在孩提氏辛苦備嘗訓子讀書充有聲文學冕仕至苑馬寺副孫明允曾孫鴻業鴻烈皆舉明經孝廉

楊敏妻齊氏



按諸暨縣志齊氏名妙觀南隅楊敏妻年十八敏亡子仲洧甫週歲舅姑欲奪其志齊斷髮破面抱孤向舅姑泣曰婦為死者守此孤不忍使之無歸舅姑怒令自食齋居斗室紡績資生舅姑沒託老婢經理其家閉門不啓開一竇以通飲食如是二十年年六十卒

駱黼妻錢氏

按諸暨縣志錢氏舉人駱黼妻婉慧貞靜寡言動夫亡子茂應甫二週錢事舅姑及遇諸伯仲秩然有禮一日失火氏驅羣婢取諸珍玩投井中翁不之知明日取出欲以其半予之固不受年九十六卒其後有鄭氏者黼從子宗迪妻也年二十有二宗迪死即以黼孫玠為嗣玠雖子行非其應後鄭曰吾心慕錢孺人爾守節五十年年七十餘事聞旌表

余獅妻曹氏

按諸暨縣志曹氏余獅妻獅亡氏年二十一子良充甫五月姑憐其少將改嫁之氏抱子泣曰夫雖死有子在終不去也閉門斷髮資紡績以養姑久而愈謹歲大歉值姑喪家益貧鄰勸曹別圖庶可兩全曹忿其言嚙大指濺血於獅之神主鄰婦窺見為泣下嘉靖中事聞旌表年九十餘卒

陳有智妻李氏

按餘姚縣志李氏陳有智妻智與弟有容並早喪李年二十一容妻姚二十九初智叔中丞克宅攜智之松番病亡中丞貽書慰李甚至李泣曰叔翁豈以是堅我哉微叔翁言寧當一心者久之室燬編茅以居娣姒相依一室寂不聞人音第見壁間炊爨乃知有

人耳已與羣從共建一室未遷而其姑沒二婦欲殮於新室同室者懼禴祥不許姚李負屍竟真新室衆皆錯愕睥睨不敢言並以壽終

王燾妻陸氏

按餘姚縣志陸氏王燾妻燾與弟烜皆早死陸方姪燾臨絕謂陸曰汝年纔十八勿自悞陸揮涕曰君言悞矣得子則撫之否則與君偕死耳及燾亡陸氏刑面毀容哀不勝支閱七月果生子撫之如初言烜妻陳氏亦守志其父母論之曰媿幸抱子汝何恃而自苦陳泣曰吾知身焉知子因斷髮自誓立烜弟之子為嗣復殤於是如埋合資併食足不踰閭薦祭感愴相對涕泣嘉辰令節見者皆為罷權有司上其事並旌之

聞人才後妻黃氏

按餘姚縣志黃氏貢士聞人才後妻黃愷女才病沒黃年十八無出家貧或諷之嫁黃曰婦人守節固不因富而有出也夫前妻子在吾雖貧猶能紡績為衣食計卒守志無變事聞詔表其閭

諸末言妻鄭氏

按餘姚縣志鄭氏諸末言妻年二十一而寡家徒壁立于異方二歲鄰嫗百計誘其改適鄭叱絕之卒守苦節以壽終有司上其事未報會孫敬之中嘉靖戊戌進士疏請旌表

韓墳妻項氏

按餘姚縣志項氏韓墳妻名昭少閱書史能操翰製詞智巧絕倫歸韓克修婦事年二十三墳遺疾不起昭痛絕欲俱死念母早寡恐傷其心乃隱忍苟延鄉

之少年慕昭者爭路其伯氏求之昭皆峻拒居恆備刀自衛一日謀者候其展墓將劫諸塗會與母兄同行不獲逞則為流言詬辱於路昭乃擲刀曰謀者智窮故辱吾以自退耳是後果息立伯少子銀生為墳後親授書拓復舊業邑人錢德洪作釋刀傳以表之

史鸞妻陳氏

按餘姚縣志陳氏史鸞妻郡守陳雲鶴女鸞都御史琳之子弘治戊午舉人早亡陳年二十六雖宦家婦而蕭然四壁不啻貧民一夕鄰失火鸞樞猶在室陳伏棺號慟願與俱焚火竟隨滅或勸他適陳曰以須臾無死而人遂不諒其心耶自縊垂絕救甦嘉靖三十年旌表

周汝登妻沈氏

按餘姚縣志沈氏周汝登妻年二十四而寡舅姑俱耄伯氏太僕卿如底廉而貧沈忍死操作奉老撫幼六十年屏居一室即群從子姪罕見其面女家迎之亦不往以壽終

呂氏女

按餘姚縣志呂氏女名成少傳呂本女許字大傅謝遷孫用模嘉靖乙卯用模舉於鄉上春官至吳門病亡女聞而飲泣廢食誓以死殉有議姻者女即絕粒父母知不可強而止遂以處女終焉

陳克華妻楊氏

按餘姚縣志楊氏陳克華妻武康州守憲孫女歸陳三月而克華亡氏年十九殮甫一宿鄰失火殆及楊憑棺大慟姑力挽之不起願與俱滅頃之火熄閭里咸嘆伯氏生仲子氏請於舅姑即撫之為克華後居

當獨處一室非舅姑有事不上堂其裝甚具悉屏之非布素不御一日夜半疾雷破柱闔室無不震驚楊氏枕柱而臥安然若無所聞嘉靖間郡守表其閭

諸壁妻李氏

按餘姚縣志李氏諸壁妻年十八而寡家甚貧紡績以給朝夕事姑以孝聞撫遺腹既生孫姑老死子婦相繼俱沒氏孑然一身家益旁落不支拮据萬狀復撫二孫成人族黨賢之

史立恆妻潘氏

按餘姚縣志潘氏史立恆妻年十八歸史姑魏氏性嚴而立恆酗酒暴戾潘氏無怨言立恆死姑以喪子愈虐使其婦杖不足則掙而嚙之氏問寢上食益虔無何子殤孤苦以老鄉里賢之

汪信一妻黃氏

周智妻毛氏

岑桂妻張氏

孫紀妻嚴氏

石模妻盧氏

吳仁賢妻段氏

諸生邵梓妻陳氏

進士陳采妻周氏

聞金章妻任氏

黃益妻李氏

毛明繪妻翁氏

孫光德妻魯氏

按餘姚縣志魯氏孫光德妻庶吉士時昇女年二十

三寡一子尋殤二女俱幼次女不忍離母終身不嫁有二婢亦不去從之至老

盧時遵妻黃氏

按餘姚縣志黃氏盧時遵妻年十八于歸甫三載生子未週而夫沒氏矢志守節家貧紡績事姑姑年九十餘沒氏平居未嘗有笑容屢遇兵荒避難山中備嘗險阻而苦節愈堅年七十餘有司旌表

余乾妻施氏

按餘姚縣志施氏余乾妻夫亡苦節嘉靖十九年旌表

楊煜妻某氏

按餘姚縣志某氏楊煜妻夫亡守節孫鑑為聽選官奏旌其王母

朱岐妻李氏

按餘姚縣志李氏朱岐妻年十八于歸五載夫亡秉志守節家無恆產所居頽樓一間紡績度日撫三歲孤志仁祭掃之外即去梯不下以此終身

陳治言妻胡氏

按餘姚縣志胡氏陳治言妻年二十而寡孤貞亮節皎若冰雪歷四十餘年如一日教一女克肖其德有司旌表

姚篋妻王氏

按臨海縣志王氏年十八歸姚篋越八年而篋亡無子舅姑早喪篋無依父母再適泣曰天乎何不我諒也與媵妾姜氏即殯室坐臥跣步不離既免喪謂姜曰汝年少安能與我共風雨耶姜撫棺大慟自分必死王愛之與共織作三十年先是王為篋異母

兄頃娶其族女方有身謂姜曰安知不延姚氏一脉既而墳果得一子王視若己出正德戊辰鄰火將及其廬王與姜伏棺號慟願與俱焚鄉人裹三陳練偶過其門見而義之為昇棺出及營葬竊一穴以待節操才識鄉邦稱重郡守羅僑以事聞嘉靖間並旌表

王忬妻高氏

按臨海縣志高氏王忬妻早寡苦節撫孤日坐一室家僮髮及額不得入內門庭戶肅然鄉邦敬之尤樂聞善事以勉勸其孤有司以聞詔旌表

王玖妻楊氏

按臨海縣志楊氏年十七歸王玖二十二而玖亡遺腹得子苦節以養舅姑有司請於朝詔旌表

鄭昶妻郭氏

按臨海縣志郭氏年十九適鄭昶生三子夫亡苦節不二與侯節婦比廬而居鄉人稱雙壁

鄭鎮妻高氏

按臨海縣志高氏年十九歸鄭鎮越七年而鎮亡柩殞於室火延其居不能舉泣仆於旁分與俱燼身受燃灼不去其父至強曳以歸傷甚數月而愈食貧撫孤艱苦萬狀大學士李東陽表之年七十有五卒

張雍妻朱氏

按台州府志朱氏黃嚴張雍妻年二十六雍以公委輸糧與疾歸而沒母老子琬甫二週冰菓自守人有匿雍所輸二百斛負其轉貨者四十金朱悉罄產償之家日益落繼以給朝夕奉姑教子無異心嘉靖五年大饑貧不能支親戚改適朱嚙指流血仰天自誓是夕風雨大作鄰屋俱摧朱室獨安壽六十九

卒郡守表其門

蔡愷妻王氏

按台州府志王氏黃巖蔡愷妻年二十夫亡父母欲奪其志乃斷髮自誓撫孤終老邑令表其門

彭鏗妻周氏

按台州府志周氏黃巖彭鏗妻年二十七鏗亡二子俱幼周號天以撫孤自誓土豪欲吞其有周乃罄資飽之二子竟賴成立卒年七十有三

解茂標妻蘇氏

按台州府志蘇氏黃巖人適解茂標標亡蘇年二十七斷髮守志壽九十八終

黃養妻楊氏

按台州府志楊氏黃巖黃養妻年二十四夫亡子方週父母宗族勸改嫁楊斷髮自矢已乃絕膏沐躬織緝奉姑撫子終其身學使旌表

應子美妻王氏

按台州府志王氏黃巖人適庠生應子美年二十七而寡撫子文彬成立娶柯氏歲餘彬亦亡王痛語柯曰天不祚應使汝夫死無子將何依柯願撫繼嗣奉姑終身從叔生次子與蔭甫七日柯鞠為後長為名儒有司旌其閭皆以壽終

應文照妻吳氏

按台州府志吳氏黃巖應文照妻歸七月文照病亡遺腹生子錫輅與妾楊氏並矢志撫孤凡十餘年輅出應童子試三擅首選吳卒輅痛不及養愈益攻苦服闋入闈病作而沒楊晚歲苦節愈艱直指上其事詔建雙節坊迄百餘年烏不巢蛛不網謂其真氣有

孚於異類云

趙逢眷妻吳氏

按台州府志吳氏黃巖人給諫執御從姑適庠生趙逢眷眷亡吳年二十七長子天培尚幼次天植遺腹氏艱苦撫之成立

柯薊妻厲氏

按台州府志厲氏黃巖人年十九歸柯薊越歲生一女而薊病臥三年厲躬調湯藥不少懈薊語厲曰吾疾必不起卿年少又貧不支其小心以事人乎厲撫膺嗚咽曰婦人一醮終身不改妾今有娠兩月若生男則忍死撫之生女則從君地下耳已而薊沒輒嚙指出血矢無他志宗族來弔者出指示之以杜覬覦居七月生子攻苦鞠養雖家無儲米而處之恬如壽七十終守令表其廬

沈興文妻江氏

按台州府志江氏黃巖人適庠生沈興文文早亡江年二十八甘貧守節撫教其孤鄰失火逼廬江抱夫棺誓與共焚尋熄鄉人異之以壽終

胡氏盧氏

按台州府志胡氏葉備妻盧氏葉洗妻妯娌也夫亡年俱少有子俱夭並矢志不二執節撫嗣始終如一督學旌其門

徐本妻林氏

按台州府志林氏黃巖徐本妻年二十而寡誓不他適躬紡績以養姑教子鄰火逼其室林閉戶哀號火尋滅已值海溢林抱夫木主持斃卒得免人謂苦節所感

郊貴學妻丁氏

按台州府志丁氏黃巖庠生郊貴學妻貴學早亡丁年二十四誓不改醮家貧緝績以給朝夕課二子耕稼時以古孝悌事教之曰此吾曩所聞於而父者也冰葉之操四十餘年猶一日

王天福妻陳氏

按台州府志陳氏黃巖王天福妻年二十二而寡一子方踰歲矢不再適父兄間以微言諷之指其孤泣曰無子尚不嫁况有子乎自是閉戶績緝越三年積勞成疾遂不起

蔡得儀妻王氏

按台州府志王氏黃巖庠生蔡得儀妻得儀病亡王年二十三矢志靡他家貧甚紡績以自給兄弟憐而勸之嫁王泣曰吾不能忘夫不忍捐諸子耳由是獨居一室人未嘗見其面年七十餘卒

王玖妻陳氏

按台州府志陳氏黃巖王玖妻玖亡陳年十九預營已曠於夫墓側撫妾子如己出相守終身

王堪妻鄭氏

按台州府志鄭氏黃巖王堪妻年二十歸堪越三年而寡止一子親黨憐其少諷改嫁鄭厲色拒之守節四十年斬然如一日

趙性妻王氏

按台州府志王氏黃巖趙性妻年二十三而寡遺腹僅三月慟哭欲益以殉其姑力諭之乃止已而生男仰天誓曰吾不能撫趙氏遺孤成立無以見良人於泉下乃與幼婢杜門織緝以事姑教子卒完其節年



七十一終旌表

趙琳妻施氏

按台州府志施氏黃巖趙琳妻年二十一而寡子二長方三歲次甫二月氏力貧撫孤凡六十四載而卒學使旌其門

徐慶亨妻李氏

按台州府志李氏海門人昭勇將軍國之女人十九適禮部主事徐慶亨越二年慶亨沒於官李即欲自盡如煙以子幼勸之迺止其母憐其少寡遣乳母諷之厲聲逐去終其身不御紉綺壽七十一卒都御史表其堂檄縣復其家

張韻妻王氏 葉氏附

按台州府志王氏黃巖庠生張韻妻韻與弟甘相繼沒王年二十八甘妻葉年二十六二寡同心撫孤事老姑盡孝並以節終學使表其第

孫咸繼室盛氏 張氏附

按台州府志盛氏鳳陽通判孫咸繼室咸年踰四十未有子納妾生子未幾盛亦姪得男盛並撫之如一咸驅馳仕路盛經紀其家業用饒裕已而咸沒於官盛年二十八守節不二周貧賑急為二子祈福即傾囊弗吝咸從子思禹繼室張氏亦年二十八而寡守節如盛

李檢妻鄭氏

按台州府志鄭氏黃巖李檢妻檢亡鄭無子撫二孽如已出守節不渝卒年六十八有司累旌之

孫天洵妻池氏

按台州府志池氏黃巖孫天洵妻年二十七而寡一

子甫五齡強宗利其貴時肆陵侮池矢志自守勤勞撫孤迄有成立苦節四十年以壽終

李霞妻趙氏

按台州府志趙氏湍女也太平人幼讀女孝經能通大義歸李霞姪三月而霞死趙年二十二哭踊幾絕姑勸止之已而生男與世苦節撫之終身不服皂衣年七十嘉靖丁酉詔表其門

符洪悅妻王氏

按台州府志王氏黃巖符洪悅妻年二十七夫亡欲自縊以詢其姑泣諭以撫諸孤乃止慟哭幾喪明外家欲延醫治之曰醫吾志也終不見醫者守節六十餘年卒嘉靖間詔旌其門

徐鷗妻謝氏

按台州府志謝氏臨海長石人給事中某之孫女母王氏孀居著節謝夙閑家訓及笄歸大遭徐鷗未幾夫亡以死自誓里嫗微諷之厲聲曰吾母之於吾父何如者若改之何以對吾母乎守節三十年如一日以壽終

牟端妻解氏

按台州府志解氏黃巖牟端妻年二十九而寡矢志苦節足不踰閭六十餘年壽九十七卒蔡叅政餘慶為立傳

張于章妻葉氏

按台州府志葉氏黃巖張于章妻年二十六夫亡與其弟項矢志撫孤壽九十三終

陳一經妻楊氏

按台州府志楊氏黃巖陳一經妻年二十五經亡長

子五歲次子五閏月楊撫屍哭踊絕而復甦兄弟憐其貧欲歸而嫁之楊割髮嚙指誓曰吾不以身殉夫者以二孤也忍事他人平日夕紡績自具午炊日不再舉火有婢方長即遣之獨與姑及老婢居雖兄弟罕見其面次子逢多病每額天願以身代逢長娶婦終養其親年七十三卒金副使貫亨以詩弔之

符允方妻周氏

按台州府志周氏黃巖符允方妻年二十三而允方沒甘貧苦節力撫其孤每遇疾却醫弗診竟以壽終

施朝妻鍾氏

按台州府志鍾氏黃巖庠生施朝妻年二十七而寡矢志自守時夫之兄弟以官役捕盜盜伴言將報讎舉家逃避招鍾與俱鍾曰吾夫在義不得生令一兒去存吾嗣足矣乃解夫靈帛欲自縊盜卒不至守節五十餘年終

謝世白妻胡氏

按台州府志胡氏黃巖謝世白妻年二十六而寡矢志撫孤紡績自贍雖母弟以薪米餽亦不獲見其面將卒命二子曰我劬勞于汝家五十年我死汝等宜共饗勿辜吾志二子竟從母命

何鳳妻馮氏

按台州府志馮氏黃巖何鳳妻年二十四鳳亡二子皆幼族人利其貴產欲嫁之馮輒斷髮自誓撫孤以至成立迄白首衣不易素年八十六終

王湘妻蘇氏

按台州府志蘇氏黃巖王湘妻年二十二生一子而湘亡哀泣成疾幾不起及葬湘預為已壙以示同歸